

**Uunga siunnersuut: Kalaallit Nunaanni Inatsisartunut qinersisarneq pillugu Inatsisartut inatsisaata allanngortinneqarne ranik Inatsisartut inatsisaat nr. xx, uu. qqqq 2018-imeersaq** (Partiit qinigassanngortitsisinnaatitaanerit, namminersorneq pillugu inatsimmi taaguutinut naleqqussaaneq, inatsisiliornerillu allanngornerisa malitsigisaannik iluarsiiinerit)

## § 1

Kalaallit Nunaanni Inatsisartunut qinersisarneq pillugu Inatsisartut inatsisaanni nr. 9, 31. oktober 1996-imeersumi, Inatsisartut inatsisaatigut nr. 10, 20. oktober 1998-imeersukkut, Inatsisartut inatsisaatigut nr. 21, 3. december 2012-imeersukkut aamma Inatsisartut inatsisaatigut nr. 2, 31 maj 2018-imeersukkut allanngortinneqartumi, makku allanngortinneqassapput:

1. *Inatsisartut inatsisaata qulequtaa* ima oqaasertalerneqassaaq:

”Inatsisartunut qinersisarneq pillugu Inatsisartut inatsisaat”.

2. § 2, *imm. 1, nr. 4*, ima oqaasertalerneqassaaq:

”4) Inuit Namminersorlutik Oqartussanut sinniisuullutik Kalaallit Nunaata avataaniittut.”

3. § 5, *oqaaseqatigiit aappaat*, qallunaatuua ima oqaasertalerneqassaaq:

”Grønland udgør 1 Inatsisartutkreds.”

4. § 6, *imm. 1*, qallunaatuua ima oqaasertalerneqassaaq:

”Medlemmerne af Inatsisartut vælges for 4 år, og samtlige medlemmer afgår samtidig, jf. dog § 53.”

5. § 6, *imm. 3*, ima oqaasertalerneqassaaq:

” *Imm. 3*. Nalinginnaasumik qinersisoqassatillugu, taamatullu aamma siusinaartumik qinersisoqassatillugu, ulloq qinersiffissaq Naalakkersuisut siulittaasuannit aalajangerneqartassaaq.”

6. § 9, *imm. 4*, *oqaaseqatigiit aappaat*, ima oqaasertalerneqassaaq:

”Aningaasarsiaqartitsisoqartassaaq kommunit aqunneqarnerat pillugu Inatsisartut inatsisaanni malittarisassat malillugit.”

7. § 11, *imm. 1-2*, ima oqaasertalerneqassapput:

”Partiit Inatsisartunut qinersinermi kingullermi Inatsisartunut ilaasortaatitaqalersut Inatsisartunut qinersinermi qinigassanngortitsisinnaatitaapput.

*Imm. 2*. Inatsisartunut qinersinermi qinigassanngortissinnaatitaapputaaq partiit nutaat, qinersisartunit Inatsisartunut qinersinermi kingullermi taasinerit atorsinnaatitaasut tamarmiusut ikinnerpaamik 1/31-iinut naapertuuttunik amerlassusilinnit Qinersinermut Ataatsimiititaliamut nalunaarutigineqartut.”

**8. § 11, imm. 4, qallunaatuua ima oqaasertalerneqassaaq:**

”Stk. 4. Valgnævnets godkendelse af et parti har gyldighed, indtil der har været afholdt valg til Inatsisartut, dog mindst i et år.”

**9. § 23, imm. 1, ima oqaasertalerneqassaaq:**

”Inatsisartunut qinersivik, kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit inatsisartut inatsisaanni § 6 naapertorlugu, kommuninut taasiartorfinnullu aggorneqarsimavoq.”

**10. § 26, imm. 1, oqaaseqatigiit aappaat, qallunaatuua ima oqaasertalerneqassaaq:**

”Stemmesedlerne skal være påtrykt betegnelsen "valg til Inatsisartut" på grønlandsk og dansk.”

**11. § 50, imm. 3, oqaaseqatigiit siulliit, ima oqaasertalerneqassapput:**

”Qinersinermut Ataatsimiititaliap Inatsisartunut ilisimatitsissutitut nassutissavaa qinersinermik allattaavik immersorsimasani, tassani taaneqarsimassallutik kikkut qinigaa simanersut, kiisalu qinersinermut atatillugu pisimasut sukumiisumik allaaserineqarsimassallutik.”

**12. § 52, imm. 1 aamma 2, qallunaatuuani ”Landsting” allanngortinneqassaaq imaalillugu:**

”Inatsisartut”.

**13. § 54, imm. 1, ima oqaasertalerneqassaaq:**

”Qinersinermut Ataatsimiititaliamik, Inatsisartut inatsisaanni uani aammalu kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaanni aalajangersakkat naapertorlugit Qinersinermut Ataatsimiititaliamut suliasanngortitanik suliarinnittartussamik pilersitsisoqassaaq.”

**14. Inatsisartut inatsisaata qallunaatuuani tamarmi ”Landsstyret” allanngortinneqassaaq imaalillugu:**

”Naalakkersuisut”.

**15. Inatsisartut inatsisaata qallunaatuuani tamarmi ”Landstinget” allanngortinneqassaaq imaalillugu:**

”Inatsisartut”.

## § 2

Inatsisartut inatsisaat ulloq 1. januar 2019 atuutilerpoq.

*Namminersorlutik Oqartussat, ulloq xx. xxx 2018*

Kim Kielsen